



Broj: 01/02-8944-1-2/17
Zenica, 25.07.2017. godine

ZENIČKO-DOBOJSKI KANTON

Vlada Kantona
Stručna služba Vlade
n/r sekretara

PREDMET: Amandmani od 1. do 6. poslanika Midhata Delića na Prijedlog Zakona o srednjoj školi – dostavljaju se

U prilogu ovog dopisa, dostavljamo Vam **amandmane od 1. do 6. poslanika Midhata Delića na Prijedlog Zakona o srednjoj školi**, a radi izjašnjenja Vlade Kantona o istim, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona», broj: 7/12 i 12/13).

Molimo vas da nam izjašnjenje Vlade Kantona po navedenim amandmanima dostavite blagovremeno, **najkasnije 24 sata prije održavanja sjednice Skupštine na kojoj će se razmatrati Prijedlog Zakona na koji je podnesen amandman**, (odnosno prije početka održavanja 45. sjednice Skupštine zakazane za dan 28.07.2017. godine, poslije završetka nastavka 44. sjednice Skupštine koji je zakazana za isti dan u 10,00 sati), kako bi isto mogli blagovremeno iskopirati i podijeliti svim poslanicima Skupštine, prije početka navedene sjednice.

S poštovanjem,

PRILOZI: Kao u dopisu

Dostavljeno:

- 1 x Naslovu,
- 1 x Ministarstvo za obrazovanje, nauku, kulturu i sport,
- Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x **02**,
- 1 x U spis predmeta **45. sjednice Skupštine/05-03**

SEKRETAR
Ibrahim Avdagić

Poslanik u SKUPŠTINI ZDK Delić Midhat

Amandmani na PRIJEDLOG ZAKONA O SREDNJOJ ŠKOLI

GRUPŠTINA ZENIČKO - DOBOŠIĆKI DISTRIKT			
Prilježeno: 25.07.2017.			
Org. jed.	Broj	Prilog	Udjelost
01-02	- 8944	-	1/17

U skladu sa članom 134, stav 1, Poslovnika o radu Skupštine ZDK, podnosim sljedeće amandmane na PRIJEDLOG ZAKONA O SREDNJOJ ŠKOLI

AMANDMAN 1

U članu 3, stav 1, tačka e, brisati riječi: „kao i nadareni učenici“

Obrazloženje:

Smatram da je potrebno razdvojiti pojmove „učenik sa posebnim obrazovnim potrebama“ i „nadareni učenik“ jer su to različiti pojmovi

AMANDMAN 2

U članu 118, poslije stava(5) dodati novi stav(6) koji glasi:

„(6)Ljekarski (sistematski) pregled, u pravilu, sadrži iste stavke, u smislu obavljenih pretraga, u svim srednjim školama na području kantona, što će detaljnije biti regulisano odgovarajućim Uputstvom ministarstva.

Dosadašnji stav (6) postaje stav(7)

Obrazloženje:

Dosadašnja praksa se razlikovala u zavisnosti od domova zdravlja u pojedinim opštinama, pa se negdje taj pregled tretirao kao sanitarni pregled a negdje kao sistematski pregled i sa različitim brojem stavki u smislu obavljenih pretraga. Smatram da bi praksa trebala da bude ista u svim srednjim školama i za sve domove zdravlja.

AMANDMAN 3

U članu 142, stav (2), tačka (b) umjesto riječi „odjeljenjskih“ treba da stoji „razrednih“

Obrazloženje:

Pošto se u cijelom tekstu Zakona pominju razredna, a ne odjeljenjska vijeća, terminologija treba biti jednoobrazna

AMANDMAN 4

U članu 148 brisati stav (3) jer je isti sadržan u članu 3, stav (1), tačka(r) ovoga zakona

Dosadašnji stav (4) postaje stav(3)

Obrazloženje:

Bespotrebno na dva mjesta definisati isti pojam

AMANDMAN 5

U članu 150 dodati novi stav(3) koji glasi:

„(3) Razrednici se biraju iz reda najiskusnijih nastavnika škole i njihov rad se posebno vrednuje“

Obrazloženje:

Razrednik je najvažnija karika u odgojnom procesu učenika u školi-drugi roditelj. Odgojna komponenta se, nažalost, sve više zanemaruje (što je opštepoznata činjenica) pa se tako danas dešavaju stvari koje mladi ljudi tako jednostavno prihvataju a koje su nekada bile nepojmljive. Mnogi iskusni nastavnici-razrednici, zbog neadekvatnog vrednovanja njihovog rada (čas OZ, sat informacija i saradnje sa roditeljima i pedagoška dokumentacija-svake sedmice) izbjegavaju da budu razrednici i time se jako puno gubi na kvalitetu odgojnog procesa učenika. Zato rad razrednika u okviru 40-satne radne sedmice mora biti posebno regulisan Pedagoškim standardima.

AMANDMAN 6

U članu 170, stav (1), umjesto riječi: „500 do 2.000KM“ treba da stoji: „500 do 1.000 KM“, a u stavu (2) umjesto riječi: „500 do 1000 KM“ treba da stoji : „1000 do 1500 KM“.

Obrazloženje:

Umanjenjem sredstava školama na račun materijalnih troškova može se ugroziti njihovo normalno funkcionisanje a pitanje „krivice“ škole je vrlo upitno u svim nabrojanim slučajevima za koje bi se kaznila. Ipak primat treba biti kažnjavanje odgovornog lica u školi.

Napomena

Predloženi amandmani ne iziskuju dodatna novčana izdvajanja, osim eventualno amandmana 5. Novčana sredstva u zavisnosti od načina vrednovanja rada razrednika mogla bi se namiriti iz sredstava koja ostaju neiskorištena zbog konstantnog smanjenja broja upisanih učenika i broja odjeljenja u srednjim školama, u posljednjih nekoliko školskih godina.

Zenica,24.7.2017. godine